

საქართველოს მეცნიერებათა ეროვნული აკადემია



CPV კოდი 30125100- ტონერიანი კარტრიჯების გამარტივებული ელექტრონული
ტენდერის საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს კანონის, სახელმწიფო შესყიდვების საგენტოს თავმჯდომარის 2011 წლის 7 აპრილის №9 ბრძანებით დამტკიცებული, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე

ქ. თბილისი, 2017 წელი

ს ა რ ჩ ე ვ ი

1. ინსტრუქცია ტენდერში მონაწილეთათვის
2. ტექნიკური დავალება
3. სახელმწიფო შესყიდვის შესახებ ხელშეკრულების პროექტი
4. დანართი №1 - რეკვიზიტები
5. დანართი №2 - აფიდავიტის ფორმა
6. დანართი №3 - ფასების ცხრილი

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქცია ასევე შესაძლებელია იხილოთ: <http://procurement.gov.ge>

1.2. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. პრეტენდენტის მიერ წარმოდგენილი ყველა დოკუმენტი ან/და ინფორმაცია დამოწმებული უნდა იყოს უფლებამოსილი ან მისი ნდობით აღჭურვილი პირის ხელმოწერითა და ბეჭდით (ასეთის არსებობის შემთხვევაში). (მინდობილობის არსებობის შემთხვევაში აღნიშნული დოკუმენტი ატვირთული უნდა იქნეს ერთიან ელექტრონულ სისტემაში).

1.4. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.5. ტენდერით მოთხოვნილი არ იქნება გამარჯვებული პრეტენდენტის მხრიდან საკვალიფიკაციო მონაცემების დამადასტურებელი დოკუმენტების წარმოდგენა.

1.6. ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება 120 კალენდარული დღით ტენდერისათვის „წინადადებების მიღება დაწყებულია“ სტატუსის მინიჭების ეტაპიდან.

1.7. ტენდერში არ იქნება გამოყენებული ხელშეკრულების უზრუნველყოფის საბანკო ან/და სადაზღვევო გარანტია.

1.8. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.

1.9. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით.

სატენდერო დოკუმენტაციის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

ლალი ჟვანია 598 640-750; 2997372

ქეთევან გაზაშვილი 555 329-926

2. ტექნიკური დავალება

2.1. შესყიდვის ობიექტი: ტონერიანი კარტრიჯები.

2.1.1. მიმწოდებელი შესყიდვის ობიექტის მიწოდებას განახორციელებს ფასების ცხრილში (დანართი #3) მითითებული პრინტერების დასახელებების, ტექნიკური მახასიათებლებისა და რაოდენობების მიხედვით.

2.2. მოთხოვნები ხარისხის უზრუნველსაყოფად

2.2.1 ტონერიანი კარტრიჯები უნდა იყოს ახალი, ქარხნული ორიგინალი, თავსებადი ფასების ცხრილში (დანართი #3) მითითებულ პრინტერებთან და შეესაბამებოდეს აღნიშნული პრინტერების ორიგინალი მწარმოებლის მიერ განსაზღვრულ პარამეტრებს (სიგანე, სიღრმე, სიმაღლე, ბეჭდვის ფერი, ბეჭდვის რესურსი). შესყიდვის ობიექტი უნდა იყოს ქარხნული შეფუთვით, პოლიეთილენის დამცავ პარკში და შეფუთვაზე დატანილი გაყალბებისაგან დამცავი მწარმოებლის ლოგოტიპიანი ჰოლოგრამით, ასევე მწარმოებლის ყუთში, ყუთზე მწარმოებლის და მოდელის მითითებით.

2.2.2. პრეტენდენტის მიერ შემოთავაზებული შესყიდვის ობიექტის მწარმოებელს უნდა გააჩნდეს ISO 9001 და ISO 14001 სერთიფიკატი, რომლებიც პრეტენდენტმა უნდა წარმოადგინოს წინამდებარე სატენდერო დოკუმენტაციის 1.2. პუნქტით გათვალისწინებული წესით.

2.2.3 პრეტენდენტის მიერ შემოთავაზებულ პროდუქციაზე უნდა ვრცელდებოდეს არანაკლებ 1 (ერთი) წლიანი გარანტია. კარტრიჯის გახსნიდან მის სრულ დაცლამდე ამობეჭდვისას არ უნდა გამოვლინდეს ხარვეზები: წერტილები, შავი ზოლები და ა.შ, ამასთან, კარტრიჯიდან არ უნდა იბნეოდეს საღებავი საბეჭდ მოწყობილობაში. საგარანტიო პერიოდში ბეჭდვის პროცესში რაიმე დეფექტის აღმოჩენის შემთხვევაში პროდუქცია უნდა შეიცვალოს ახლით არაუგვიანეს 3 (სამი) სამუშაო დღის განმავლობაში, საგარანტიო მომსახურების აუცილებლობის შემთხვევაში ტრანსპორტირება უნდა უზრუნველყოს მიმწოდებელმა.

2.2.4. იმის გათვალისწინებით, რომ შესასყიდი ობიექტი გათვალისწინებულია ძვირადღირებული საბეჭდი მოწყობილობებისათვის, მიმწოდებელმა უნდა აიღოს პასუხისმგებლობა, რომ მის მიერ შემოთავაზებული პროდუქცია არ გამოიწვევს პრინტერების დაზიანებას, მათ შორის საღებავის/ფხვნილის ტექნიკაში ჩაყრას. წინააღმდეგ შემთხვევაში მიმწოდებელი ვალდებულია აუნაზღაუროს შემსყიდველს ზიანი – საკუთარი ხარჯით შეაკეთოს დაზიანებული ტექნიკა (არაუგვიანეს 5 სამუშაო დღისა). აღნიშნული მომსახურების აუცილებლობის შემთხვევაში ტრანსპორტირება უნდა უზრუნველყოს მიმწოდებელმა.

2.3. შესყიდვის ობიექტის მიწოდების ვადები და ადგილი

2.3.1. შესყიდვის ობიექტის მიწოდების ვადები: ხელშეკრულების დადებიდან 2017 წლის 24 ნოემბრის ჩათვლით, ეტაპობრივად, შემსყიდველის წერილობითი მოთხოვნიდან 5 (ხუთი) სამუშაო დღის ვადაში.

2.3.2. შესყიდვის ობიექტის მიწოდების ადგილი: მიმწოდებელმა საკუთარი ხარჯებით უნდა უზრუნველყოს შესყიდვის ობიექტის მიწოდება საქართველოს მეცნიერებათა ეროვნული აკადემიაში მისამართზე: ქ. თბილისი, რუსთაველის გამზირი #52.

2.4. ფასები, ანგარიშსწორების პირობები და ვადები

2.4.1. სახელმწიფო შესყიდვების ერთიან ელექტრონულ სისტემაში შემოთავაზებულ სატენდერო წინადადების ფასში საერთო და ერთეულის ფასი გამოსახული უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები. ხარჯები, რომლებიც სატენდერო წინადადების ფასში არ იქნება გათვალისწინებული, არ დაეკემდებარება ანაზღაურებას;

2.4.2. ანგარიშსწორება განხორციელდება უნაღდო ანგარიშსწორებით ლარში, მიმწოდებლის მიერ მიწოდებული შესყიდვის ობიექტისა და მხარეთა შორის უფლებამოსილი წარმომადგენლების მიერ მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში.

2.4.3. წინასწარი ანგარიშსწორება (ავანსი) არ გამოიყენება.

2.4.4. დაფინანსების წყარო: 2017 წლის საქართველოს მეცნიერებათა ეროვნული აკადემიის სახელმწიფო ბიუჯეტის დაფინანსების ფარგლებში.

2.5. ხელშეკრულების მოქმედების ვადა

2.5.1. ხელშეკრულების მოქმედების ვადა განისაზღვრება ხელშეკრულების დადებიდან 2017 წლის 31 დეკემბრის ჩათვლით.

2.6. აუცილებელი პირობა:

2.6.1. ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასის 20%-ით ან მეტით შემცირების შემთხვევაში, ფასწარმოქმნის ადეკვატურობის დასაბუთების მიზნით, შემსყიდველის მოთხოვნიდან 3 (სამი) სამუშაო დღის ვადაში პრეტენდენტმა უნდა წარმოადგინოს ექსპერტიზის დასკვნა, რომელიც ადასტურებს პრეტენდენტის მიერ წინამდებარე ტენდერში დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ექსპერტიზის დასკვნის წარმოდგენის შემთხვევაში, მოქმედი კანონმდებლობის შესაბამისად წარმოდგენილ უნდა იქნას საექსპერტო საქმიანობის განხორციელების უფლების დამადასტურებელი დოკუმენტი (სერტიფიკატი).

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

„-----“ „-----“ 2017 წ.

სსიპ „საქართველოს მეცნიერებათა ეროვნული აკადემია“ შემდგომში წოდებული „შემსყიდველად“, წარმოდგენილი მისი პრეზიდენტის გიორგი კვესიტაძის სახით და -----, შემდგომში წოდებული „მიმწოდებლად“, წარმოდგენილი მისი დირექტორის ----- --- სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის, გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - პირი, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

- 2.1. ტონერიანი კარტრიჯები, ფასების ცხრილში მითითებული პრინტერების მიხედვით.

3. ხელშეკრულების ღირებულება

- 3.1. ხელშეკრულების ღირებულებაა ----- ლარი.
- 3.2. ხელშეკრულების ღირებულება მოიცავს, როგორც საქონლის ღირებულებას ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა სხვა გადასახადს.

4. მხარეთა ვალდებულებები

- 4.1. მიმწოდებელი ვალდებულია:

- ა) უზრუნველყოს ხელშეკრულების დანართებით განსაზღვრული შესყიდვის ობიექტის მიწოდება ხელშეკრულების პირობების გათვალისწინებით მისამართზე: ქ. თბილისი, რუსთაველის გამზირი #52, საქართველოს მეცნიერებათა ეროვნული აკადემია.
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

- 4.2. შემსყიდველი ვალდებულია:

- ა) უზრუნველყოს ინსპექტირების განხორციელება.

- ბ) უზრუნველყოს ხელშეკრულებით გათვალისწინებული ანგარიშსწორება მიმწოდებელთან.
გ) განახორციელოს ამ ხელშეკრულებით მასზე დაკისრებული სხვა ვალდებულებები.

6. ინსპექტირება

- 6.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.
6.2 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.
6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული, მიმწოდებელი ვალდებულია მხარეთა მიერ შეთანხმებულ ვადაში გამოასწოროს წუნი.

7. მიღება-ჩაბარების წესი

- 7.1. შესყიდვის ობიექტის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

8. ანგარიშსწორება

- 8.1. ანგარიშსწორება განხორციელდება შემდეგი პირობებით:
ა) ანგარიშსწორების ვალუტა - ლარი;
ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
გ) დაფინანსების წყარო: 2017 წლის აკადემიის სახელმწიფო ბიუჯეტი.
8.2. შესყიდვის ობიექტის ანგარიშსწორება განხორციელდება მხარეთა შორის უფლებამოსილი წარმომადგენლების მიერ მიღება-ჩაბარების აქტის გაფორმებიდან და მიმწოდებლის მიერ შესაბამისი ხარჯთაღრიცხვის წარმოდგენიდან არაუგვიანეს 10 (ათი) სამუშაო დღის ვადაში.

9. ხელშეკრულების შესრულების შეფერხება

- 9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.
9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

- 10.1. წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული შესყიდვის ობიექტის მიწოდების ვადის გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ან/და მომსახურების ღირებულების 0.02%-ის ოდენობით.
10.2. წინამდებარე ხელშეკრულების 6.4 პუნქტით გათვალისწინებული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

10.3. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0.02%-ის ოდენობით.

10.4. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლის ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს

ხელშეკრულებით განსაზღვრული ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 31 დეკემბრის ჩათვლით.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

17. მხარეთა რეკვიზიტები:

შემსყიდველი:

მიმწოდებელი:

სსიპ „საქართველოს მეცნიერებათა ეროვნული
აკადემია“

მისამართი: ქ. თბილისი,
რუსთაველის გამზირი #52

ტელეფონი: 2997372

საბანკო რეკვიზიტები:

ს/კ 203851536

სახელმწიფო ხაზინა

კოდი TRESGE22

ანგარიში #

/გიორგი კვესიტაძე/

მისამართი: -----

ტელეფონი: -----

საბანკო რეკვიზიტები:

ს/კ - -----

ბანკის კოდი: -----

ანგარიში №-----

4. პრეტენდენტის რეკვიზიტები

იურიდიული ფორმა და დასახელება: ხელმძღვანელის სახელი და გვარი:

იურიდიული ან/და ფაქტიური მისამართი:

საიდენტიფიკაციო კოდი:

ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

5. აფიდავიტის ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

6. ფასების ცხრილი

№	შესყიდვის ობიექტის დასახელება, ტექნიკური მახასიათებლები	განზ. ერთეული	რაოდენობა	ერთეულის ფასი	საერთო თანხა	მწარმოებელი ქვეყანა	კომპანია	მოდელი
1	პრინტერი HP laserjet 1120 (36A)- თვის ახალი კარტ.	ცალი	20					
2	პრინტერი HP laserjet 1018, 1010, M1005 MFP, M1319 (12A)- თვის ახალი კარტრიჯი	ცალი	15					
3	პრინტერი HP laserjet 1320 (49A)-თვის ახალი კარტ.	ცალი	3					
4	პრინტერი Canon 4018 (FX10) - თვის ახალი კარტ.	ცალი	8					
5	პრინტერი Canon MF 3010 (85A) - თვის ახალი კარტრიჯი	ცალი	30					
6	პრინტერი HP laserjet MFP M125nw(83A)- თვის ახალი კარტრიჯი	ცალი	50					
7	Canon 1215 ტონერი (ასლგადამდებისთვის)	ცალი	4					
8	პრინტერი HP officejet K 7100 №134 ფერადი	ცალი	1					
9	პრინტერი HP officejet K 7100 №130 შავი	ცალი	1					
10	ფერადი პრინტერის HP color Laserjet 5550 dn (C 9730 A)	ცალი	1					
11	ფერადი პრინტერის HP color Laserjet 5550 dn (C 9731 A)	ცალი	1					
12	ფერადი პრინტერის HP color Laserjet 5550 dn (C 9732 A)	ცალი	1					
13	ფერადი პრინტერის HP color Laserjet 5550 dn (C 9733 A)	ცალი	1					
14	ციფრული საბეჭდი დანადგარი Konika Minolta bizhub c454 TN512K	ცალი	1					
15	ციფრული საბეჭდი დანადგარი Konika Minolta bizhub c454 TN512C	ცალი	1					
16	ციფრული საბეჭდი დანადგარი Konika Minolta bizhub c454 TN512M	ცალი	1					
17	ციფრული საბეჭდი დანადგარი Konika Minolta bizhub c454 TN512Y	ცალი	1					
18	სულ ჯამი (საერთო თანხა)							

(პრეტენდენტის დასახელება)

(სახელი, გვარი, თანამდებობა, ბეჭედი არსებობის შემთხვევაში)